

Դեկտ. 3-ից Հայաստանը դարձաւ խորհրդային: Դեկտ. 6-ին Երևան եկաւ Յեղիմը, և Լեզրանի հետ կնքւած համաձայնութիւնը յայտարարեց չեղեալ ու Հայաստանում հաստատեց բռնութեան, թալանի, կամայականութեան և անարեկումի ուժի մը: Հ. Յ. Դաշնակցութիւնը յայտարարեց օրէնքից դուրս: «Հարկաւոր է գլխատել ու Ֆիդիքայէս ոչնչացնել Դաշնակցութիւնը», գրում էր հայ կոմկուսի պաշտօնաթերթ «Կոմունիստ»-ը: Հայկական բանակը կազմալուծւեց: Սպաները — 1500 հոգի զօր. Նազարբէգեանի, Հախվերդեանի, Սիրիկեանի գլխաւորութեամբ, ձիւն ձմեռին, ոտքով, քլեցին Ռուսաստան: Աքսորեց և Դրօն իր սպաներով: Բանտերը լեցւեցին հազարաւոր բանտարկեալներով: Հ. Օհանջանեան, Ա. Սահակեան, Յ. Քաջազնունի, Լ. Շանթ, Ն. Աղբալեան, Ար. Զիլինգարեան, Բ. Իշխանեան և շատ ու շատ ուրիշներ պատանդ առնւեցին: Նրանց գլխին ամէն րոպէ կախւած էր մահը: Փետր. 16 և 17-ի դիշերը, Երևանի բանտում դնդակահարեցին աւելի քան յիսուն հոգի — Համազասպը, գնդ. Ղորղանեանը, Բանուր Սերգոն, Մակեդոնը, ուսանող Գրիգորը և ուրիշներ: Երկրի զանազան կողմերում բռնադրաման պատրակով կատարւում էին անասելի բռնութիւններ ու հարստահարութիւններ, սկսեց մթերքների արտահանում դէպի Ագրէջան: Բոլշևիկեան խոստումներից չկատարեց և ոչ մի բան: Թիւրքը չհեռացաւ Ալեքսանդրապոլից և խորհրդային ներկայացուցիչների աչքի առջև վայրագութիւններ էր գործում Շիրակում: Արտասահմանեան օժանդակութիւնը կտրւեց և Հայաստանը ընկաւ նոր սովի գիրկը:

Այս դրութիւնը աւելի ևս բարձրացրեց հայ ժողովրդի աչքին անկախութեան արժէքը և նման դրութեան հետևանքով էր, որ պայթեց փետրւարեան համաժողովրդական ապստամբութիւնը*): Փետր. 18-ին Հայաստանի մեծ մասը մաքրւած էր բոլշևիկներից: Երկրի իշխանութեան գլուխ կանգնեց Հայաստանի Փրկութեան Կոմիտէն: Կազմւեցին տեղական փրկութեան կոմիտէներ: Շարժման մէջ դրւեցին երկրի բոլոր ռազմական ուժերը: Եւ ժողովուրդը նմանը չտեսնւած վճռականութեամբ, ամիսներ շարունակ, կարելի է ասել, ատամներով ու եղունգներով դիմադրեց խորհրդային մեծագանդւած ուժերի գրոհներին: Բոլշևիկեան յարձակումները սաստկացան, մանաւանդ, Վրաստանի խորհրդայնացումից յետոյ, երբ, կարմիր բանակը խոշոր ուժեր չպրտեց դէպի Հայաստան:

Ապրիլ 2-ին, Հայրենիքի Փրկութեան Կոմիտէի ուժերը թողին Երևանը և Կոտայքի ու Միլլիճորի վրայով անցան դէպի Լեռնահայաստան, ուր դեռ հոկտեմբերից սկսած տապալւած էր խորհրդային իշխանութիւնը: Միանալով տեղական ուժերին, Արարատեան դաշտից եկած մարտիկներն ու գործիչները մի քանի ամիս ևս շարունակեցին պայքարը բոլշևիզմի դէմ՝ բարձր պահելով Հայաստանի անկախութեան դրօշը ու հետզհետէ, թշնամու ճնշման տակ տեղափոխւեցին հիւրընկալ Պարսկաստան, ուր գտան եղբայրական վերաբերմունք Ատրպատականի հայ ժողովրդի կողմից: Յուլիս 10-ին Հայաստանի

*) Տե՛ս, «Փետրւար 18»-ը, հրատարակութիւն Հ. Յ. Դ. Պրագայի ուսանողութեան: